

بِسْمِ اللَّهِ الرَّحْمَنِ الرَّحِيمِ

KHUTBA JUMMAH

HADHRAT MUHYI-UD-DIN AL-KHALIFATULLAH

Munir Ahmad Azim

07 Août 2015 ~

(21 Shawwal 1436 Hijri)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hadhrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba lors:

L'argent pas facile pou gagné, surtout si nous pé cause l'argent ki *Halal* (ki vine de source licite). En vérité, pou gagne l'argent, dimounes bizin faire beaucoup de bane zéffore. « *Faut travailler pour gagner son pain* » - sa c'est ene expression ki nous tendé bien souvent. Allah, Celui ki possède tout saki dans sa lémonde là et dans les ciels fine ordonne nous dans le Quran Shareef, So Livre Béni:

« C'est Li ki fine mette la terre à ou disposition. Alor voyage dans tout so bane régions et jouir de séki Li fourni ou. Résurrection pou ena lieu divant Li. » (Al-Mulk 67: 16).

C'est Allah ki détenir bane grâce immense, et tout séki dans bane les ciels et lors la terre pou Li. De ce fait, l'homme bizin réaliser ki malgré ki li fer bane zéffore pou gagne saki li gagner, mais en vérité tout saki li gagner dans so la main en fait appartenir à Allah. C'est Allah ki ena pouvoir lors tout saki li-même, l'homme représenter et tout saki li possédé. En vérité, l'homme pas propriétaire de du bien ki li ena en so possession. Allah expose sa clairement dans So Livre rempli de gloire, le Quran Shareef, kot Li (swt) dire : **« Et donne zot ene partie de saki Allah fine donne ou. »** (An-Noor 24: 34). Si tel est le cas, l'homme bizin faire bien attention dans façon ki li dépense so richesse. Le Quran, meilleur guide pour l'humanité donne li meilleur guidance lors sa sujet là.

« Bane ki kan zot dépensé, zot pas ni gaspille zot l'argent, ni fer avare, mais zot tenir zot entre les deux. » (Al Furqan 25: 68). Ene croyant faudé zamais li extravagant dans so bane dépenses et de l'autre côté, faudé pas aussi ki li vine avare. Li bizin tenir li entre les deux, kot ena ene balance, ene juste milieu ki correcte pou li.

La richesse li sans aucaine doute ene très grand épreuve, et même ene très grand tentation. Quand ene dimoune accumule richesse, li ena tendance pou faire bane dépenses inutile. Pareil couma ene kikaine ki asté saki li envie kot li dépensé à tort et à travers sans même bénéficier de sa l'argent ou

dépense là d'ene façon ou d'une autre. Sinon aussi li ena tendance pou alle enrichi li par bane moyens illicites (*Haram*) kot li alle jette so l'argent dans bane jeux de hasard, sans ki li prend compte de grand la perte ki li faire, dans sa le monde là et dans *Aakhérat*. Sinon li dépense sa richesse/l'argent là dans bane zaffaire ki pas pou profite li dans aucaine façon, couma bane boissons alcolik, bane cigarettes, bane grands l'écrans (home cinémas), etc.

Parfois so richesse faire li vine avare, au point kot li pas content partage sa richesse là à aucaine les autres dimounes, ni soulage bane pauvres, ki démunis avec sa l'argent là, ni aidé dans contribution d'ene Masjid ou kit autre projet de la communauté (*Jamaat*), ou soit pou contribuer pou arrange ene la caze pou héberge bane orphelins (*Yatim Khana*)... sa kalité dimoune (avare) là gagne peur ki attention si li dépense so l'argent dans bane tel bon travaille, alors attention so richesse diminuer. Plus étonnant encore, sa kalité dimoune (avare) là, li prive so famille, so madame, zenfants, so papa, mama, so bane frères et sœurs de zot *Haq* (droits). Malheureusement, si seulement li ti conne sa parole extraordinaire ki le Saint Prophète Hazrat Muhammad (saws) fine dire:

« *Entre ene dinar (ene la monnaie) ki to dépenser dans chemin Allah, ene dinar ki to dépenser pou libère (ene esclave), ene dinar ki to dépenser en charité à ene pauvre et ene dinar ki to dépenser lors to famille, dépense kot ena pli beaucoup bénédiction c'est sa dépense ki to fer lors to famille là.* » (Muslim)

Li très clair donc ki ene croyant bizin conscient de façon ki li gère so l'argent et kot li pas prive so famille directe (madame et zenfants etc.) de sa l'argent ki Allah fine accorde li avec grand générosité. Meilleure charité commence dans la caze. Faudé li apprane couma dépenser, quand dépenser, et ki faire dépenser. Et li bizin conné aussi couma pou économizé pour bane moments durs et difficiles ki pou vini plus tard dans so la vie, parski dans la vie, ena des hauts et des bas. Kan li gère so richesse ou même tiguitté l'argent ki li ena, li vine ene héritier de don ki Allah fine donne à So bane prophètes.

Abdullah ibn Sarjas (ra) rapporté ki le prophète (saws) fine dire : « *Bon l'apparence, la douceur, et faire bane économies, zot forme vingt-quatrième (24^{ème}) partie de la prophécie.* » (Tirmidhi).

Dans ene l'autre Hadith, fine rapporté ki Hazrat Muhammad (saws) fine dire: «*Bon façon pou comporter, ene zoli l'apparence (modeste, chaste, simple etc.) et la modération (pas faire extravagance) zot forme vingt-cinq parties de la prophécie*». (Abu Dawud)

Ki Allah accorde nous le don pou bien gère nous l'argent et pou pas hésiter pou dépense sa l'argent là dans So chemin. L'argent ki dépensé dans le chemin d'Allah zamais pou perdi parski nous pou récolter en vérité récompense de nous bane sacrifices et de manière pou gère sa l'argent là en formant partie intégrant de bane dimounes élus d'Allah. Si aujourd'hui, avec ene Manifestation Divine nous, le Jamaat Ul Sahih Al Islam nous pé proclamé ki nous bane dimounes élus d'Allah, alors nous bizin aussi démontrer sa dans nous bane l'intentions et nous bane actions, avec ene sincérité du cœur, seulement pour récolter le plaisir d'Allah. *Insha-Allah, Ameen!*